

يانورَهَا يانورَهَا
يوم اقبلت بعطورها
غار القمر بحضورها

وصف الحسن فيها يطول

تبهج عيون الناظرين
تسرق قلوب الحاضرين
أجمل بنات العالمين

و السحر في الرمش الكسول

سكّر من الحسن و عسل
في سارة الحسن اكتمل
تضحك لها بيوت العزّل

وتغازل الطرف الخجول

تاخذ من الزين أكمله
من آخره لين اوله
تعطي الصبايا أمثله

فيها من الوردة مَيول

هي أجمل أنواع الجمال
للغيد ماخلت مجال
والكل يسألها سؤال

كيف اسحرت كل العقول

قدامها وش هو القمر ؟
سارة قمر كل البشر
غنى لها نبض الوتر

محتار فيها وش يقول

فيصل سحرها بالغرام
واختارها بين الانام..
أهدا لها عذب الكلام

ابن الكرم و ابن الأصول